

Ҳадис 180-дарс. Ният



Ҳадис
ДАРСЛАРИ
180-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.

20:20 / 20.04.2022 4394

نَمَّ لَاقِ مَسْوِهِ لَعَلَّ يَصِيَّبَنَّ لَنَا نِعْمَةٌ نَعْنَعُهَا لَللَّهِ يَضَرَّرُ مُمْعِنًا بِنَعْنَعِ
رَأْنَلْنَا نَمُّهُ دَعْوَمُ أَوْبَتِي لَفِ هَلْ لَرِيغِهِ بَدَارًا وَأَهْلَلْ لِرِيغِهِ لَمْ لَعَمَلَتْ

Ибн Умар розияллоҳу анҳудан ривоят қилинади:

«Набий соллаллоҳу алайҳи васаллам:

«Ким илмни Аллоҳдан бошқа учун ёки Аллоҳдан бошқани рози қилишни ирода этиб ўрганса, дўзахдаги ўриндиғини олаверсин», дедилар».

Ушбу ҳадисда Пайғамбаримиз соллаллоҳу алайҳи васаллам илм талаб қилиш фақат Аллоҳ учун, Аллоҳнинг розилиги учун бўлиши зарурлигини қаттиқ таъкидламоқдалар. Агар кимнинг нияти бузилса, яъни илмни Аллоҳдан бошқа учун, Аллоҳнинг розилигидан бошқа мақсад учун ўрганса, дўзахга тушиши муқаррар эканлигини айтмоқдалар.

Бу ҳадиси шариф ҳам олдинги ҳадис маъносидадир. Фақат биринчи ҳадисда натижа «жаннатнинг ҳидини ҳам топа олмайди» деб баён қилинган бўлса, иккинчи ҳадисда «дўзахдаги ўриндиғини олаверсин» дейилмоқда. Бу эса диний илмларни талаб қилишда жуда ҳам ҳушёр бўлишни, Аллоҳнинг розилигини тилашдан бошқа нарсани хаёлга ҳам келтирмасликни тақозо қилади.

«Ҳадис ва ҳаёт» китоби асосида тайёрланди